

Գիւղում կայ մի եկեղեցի Ս. Յովհաննէս անունով: Դպրոց չունի: Ժողովրդի մեծամասնութիւնը անգրագէտ է:

№	Կ Ա Ր Գ Ե Ր	Շունչ
1	Աղբառ	100
2	Չուճևոր	38
3	Միջակ	100
4	Ունևոր	40
5	Հարուստ	20
	Ընդամենը	298

Բ Ա Ր Գ Ա Շ Ա

Ա.գիղանից դէպի հարաւ — արևելք, երկու ֆարսախ հեռաւորութեամբ, մի բարձր գաշտի վրայ փռւած է պարսկահայաբնակ Բարդաշա գիւղը, ուր հայ տների թիւը 45 է՝ 272 բնակչով, որից 155-ը արական է և 117-ը իգական: Գիւղի դիրքը գեղեցիկ է. զարդարւած է ուռեանիների, բարդիների և կաղամախիների խիտ շարքերով և ունի հարուստ վարելահողեր ու արօտներ, որոնք փռւած են գիւղի արևմտեան կողմը, և գիւղին տալիս են առանձին շքեղութիւն և վեհութիւն, իսկ չորս կողմը ցցւած են չորս զալաներ, ուր նստում են աղաները:

Գիւղի հիմք զցողները եկած են Միլակերտից 32 տարի առաջ. նրանք միջահասակ են և հիւրասէր. պարապում են հողագործութեամբ և մասամբ էլ խաշնարածութեամբ:

Գիւղն «առբար» — կալւածատիրական է, որոնք են Մամ-Վէլի, Ալի-Մարդան, Իսմայել և Մանտի: Գիւղացիները հող չունեն. նրանք մշակում են առբարների հողերը և արգիւնքի $\frac{1}{3}$ մասը տալիս են նրանց, նաև տարեկան վճարում են

Մարդագլուխ	$2\frac{1}{2}$ զոան.	Ոչխարին	10 շայի.
էջին	1	Կովին	1 զոան.

Բացի սրանցից գիւղացիներն իւրաքանչիւր տարի կալւածատէր խաներին տալիս են այնպիսի հարկեր, որոնք օրինական որևէ հիմք չունեն, բայց և այնպէս լուռ վճարում